

知蕪州事歸安沈 銳重纂

人物志

玉產於山而山輝珠生於淵而淵媚古來賢人君子其挺生一隅者皆山川磅礴之氣所鬱積而成以故越數千百年其性情行事猶能赫赫在人耳目或經文緯武勲業爛焉或志潔行芳典型著焉即推之淑女名媛貞心烈操莫非秉天地之正氣以炳耀於兩間茲特列其行誼次其時序以為當世風庶幾有志者觀感而興起焉志人物

蕪州志

卷之九

耆老

一

耆老

王金 住大安鎮

楊浩 住李家庄

姚成采 住馬營庄

朱文成 住定福庄

汪家鳳 住邦均店

范重新 住本城

劉欽 住青池庄

曹之楷 住曹家口頭庄

楊文魁 住梅家

王連陞 住本城

王賓臣 住本城

王銀 住大保安鎮

陶公輔 住夏各庄

周從善 住本城

孫成 住小王各庄

何文讓 住附馬庄

劉 鈺 住青池庄

王 懋 住本城

王 恢 住新安鎮

王 住本城

王福榮 住孟家樓

張福斌 住本城

王賢林 住馬營

楊 偉 住楊家樓

李宗得 住勒家庄

李文達 住太河庄

劉萬淨 住本城

嘉慶元年俱

欽賜八品頂戴

劉朝貴 住大厓各庄

蘄州志 卷之九 耆老

嘉慶二十五年

欽賜七品頂戴

王慧年 住本城

閔士超 住土樓

張泳泰 住大豐溝

劉 然 住白家庄

陳先前 住吳家窪

蒙天保 住宗家庄

劉兆遠 住侯家營

王繼昇 住侯家營

嘉慶二十五年

欽賜八品頂戴

陳士榮 住東關

李士龍 住逢家庄

聞琦 住土樓

王國明 住本城

王位尊 住本城

崔重新 住本城

王久明 住兵馬庄

杜良 住石小庄

張進公 住索家庄

王靄如 住楊各庄

劉信 住枯樹

傅士榮 住本城

蒙天顧 住本城

榮璽 住定福庄

王化鏞 住沿河庄

段琳 住楊家庄

胡克明 住陳新庄

王禮 住二里店

張相 住朱家庄

楊玉 住楊家套

薊州志

卷之九 耆老

三

王建中 住楊各庄

曹士英 住康各庄

魏貫一 住上埝頭

孟秉 住山北頭

周士爵 住本城

紀文成 住本城

高起英 住本城

邊寬 住本城

楊玠 住本城

趙玉 住本城

劉大文 住董各庄

曹萬金 住科科庄

王果 住科科庄

王勉德 住瓦房庄

陳緒 住西關

曹名祿 住西關

王國斌 住枯樹庄

段國璋 住李明庄

李煜 住裴家屯

孫國彥 住紀各庄

陳傑 住黃松峪

趙連 住段家庄

朱錦 住定福庄

蒙天位 住蒙福庄

張鳳雲 住莫家庄

潘義爵 住舖戶庄

魏成 住舖戶庄

魏從信 住舖戶庄

劉鈞相 住九王庄

盧厘 住進貢坨

傅豐年 住柳子口

周茂之 住青甸庄

喬廷端 住橋家庵

喬廷純 住喬家菴

杜元倫 住寇各庄

劉貴 住李四懷新庄

衡州志

卷之九 耆老

四

高士桐 住于家庄

陳士德 住七百戶

嘉慶二十五年

欽賜九品頂戴

按王制八十月告存九十日有秩又日九十者天子欲有問焉則就其室以珍從要知古人於耆老必殷殷加意者誠以天下之達尊三齒居一也

國家

恩膏叠沛加禮耄年不可勝紀特事遠年湮不敢以傳聞之言載之史册謹就近年所有探誌一門非敢畧也

鄉賢

漢

王 梁爲郡吏與太守彭寵以漁陽歸光武從平河北與
寇恂南拒洛陽北守天井關帝卽位拜大司空封
武強侯擊赤眉有功拜河南尹十三年封邑爲阜
成侯子禹嗣

蓋 延爲彭寵護軍王郎起與吳漢等同歸光武從平河
北帝卽位以爲虎牙將軍建武二年更封安平侯
討劉永董憲龐萌等皆平之十三年封邑食萬戶

薊州志

卷之九

鄉賢

五

子扶嗣至曾孫恢復封雲亭侯

楊 球字方正少時結客報母仇由是知名舉孝廉補尚
書侍郎章奏處議常爲臺閣所崇信九江山賊起
連月不解三府上球有理姦才拜九江太守球到
設方略凶賊殄破遷平原相後拜尚書令時中常
侍王甫曹節等弄權扇動中外球嘗拊髀歎曰若
楊球作司隸此曹子安得容乎會遷司隸校尉王
甫休沐里舍球詣闕謝恩奏甫及子弟爲守令者
姦猾縱恣狀太尉段熲諂附佞倖宜並誅戮於是

悉收青頰等送洛陽獄球自臨考斃甫父子頰亦自殺球既誅甫復欲以次表曹節等權闖聞之莫不屏氣後反爲節黨所傾故中常侍之禍至於亡漢云

魏

徐邈志行高潔才博氣猛然能高而不放潔而不介博而守約猛而能寬文帝時爲涼州刺史務農積谷立學明訓進善除惡人咸服其威信入爲司隸校尉百僚憚而敬之遷光祿大夫進司空以老病固

薊州志

卷之九

鄉賢

六

辭不受

晉

劉沉字道真博學好古衛瓘辟爲椽領本邑大中正敦儒愛士申理張華卒辭旨明峻爲當時所稱齊王問專政引爲左長史遷侍中後遷雍州刺史河間王顒作亂詔命公襲之顒敗退保長安公乘追之顒兵復振公兵潰被執顒怒甚鞭而斬之至死神色不變

魏

高 閻字閻士少有令名博經史下筆成章文帝時爲中書侍郎參朝政轉中書令給事中委以機密文明太后甚重之遷中書監孝文帝令公辨忠佞公曰佞者飾智以行事忠者發心以持道如玉石儼然可知景明初卒於家謚文貞有文集四十卷其文追配高允時稱二高

皮豹子少有武畧爲散騎常侍賜爵淮陽侯鎮長安又持節都督關中諸軍擊宋平仇池獲其刺史胡崇之又除都督秦雍荆梁益五州諸軍事斬宋將青陽顯伯悉俘其衆又擊退蕭道成以功徵爲尚書又禦宋將殷孝祖於清東大敗之擢爲內都大官卒賜爵淮陽王謚襄子道明襲爵

皮懷喜乃皮豹子之次子官都督秦雍荆梁益五州諸軍

事鎮仇池申布恩惠敵人大悅徵爲南部尚書賜爵南康侯討平叛羌楊文度柳梅遷豫州刺史卒

平 恒字繼叔多學博聞安貧樂道徵爲中書博士又爲

幽州別駕妻子不免於饑寒自周至魏歷代帝王傳代之由貴臣陞降之緒皆撰錄品第商畧是非

名曰畧註合百餘篇後遷秘書令卒贈都昌侯

齊

平 鑒字明達少聰敏讀書通大義有豪俠氣之洛陽與慕容儼習騎射歸高歡爲懷州刺史奏請於州之西枳關道築城以防魏兵尋魏陽剽領兵來攻時城新築糧仗未集公竭力固守卒敗陽剽以功進開府儀同三司官尚書卒贈司空謚文

鮮于世榮少沉敏有器幹官平西將軍以平高思政功封義陽郡王加太子太傅周武帝伐齊畏公威名以

蘄州志

卷之九

鄉賢

八

瑪瑙酒杯相送公即擲破周兵入鄴諸臣俱降公獨在臺前鳴鼓不輟遂被執周人百計誘之降不屈見殺

唐

王 適則天時勅吏部糊名考試以來才俊適與劉憲司馬鎧梁載言相次入第二等官至雍州司功參軍初見陳子昂感遇詩乃交于陳有集二十卷

魯 炅長七尺餘畧通經史以廕補羽林長哥舒翰引爲別奏安祿山反與賊將武令珣戰敗走保南陽賊

使哥舒翰招之不從乃令田承嗣來攻城中食盡
得中官曹日昇運糧濟之與賊相持一年至人相
食公乃率眾突圍走襄陽田承嗣追至公力戰反
獲大勝賊乃引退賊欲剽掠江湖賴公扼其衝賊
不敢犯故江湖得全策封岐國公後又同九節
度使圍安慶緒於相州賊平徵爲散騎常侍兼金
吾大將軍卒贈工部尚書

高崇文其先自渤海徙幽州七世不異居開元中再表其
閭崇文樸重寡言累官金吾將軍敗吐番于寧州

齊州志

卷之九

鄉賢

九

劉闢反杜黃裳荐統兵徵討之崇文選兵五千嘗
若冠至自卯漏受命辰已出師器良械完無一不
具與闢戰於鹿頭山八戰皆捷擒闢送京師成都
珍貨如山無秋毫犯進檢校司空西川節度副大
使南平郡王謚威武配享憲宗廟

後唐

趙 玉容於滄州依節度使呂堯時劉守光破滄州盡戮
呂堯親屬堯子琦年十四趙公負之而逃變姓名
丐衣食時教誨待之如子及琦仕後唐爲端明殿

學士而趙公已卒矣

趙鳳少以儒學知名仕唐莊宗爲中書舍人翰林學士明宗時遷禮部侍郎奏論皆切時弊有僧獻佛牙者鳳請驗其真僞以斧破之應手而碎時宮中施物已數千因鳳碎之乃止天成中拜門下侍郎同平章事安重誨得罪鳳啓明宗言其盡忠罷爲安國軍節度使

王思同明宗時爲京兆尹西京留守應順二年潞王從珂反馳檄諸鎮思同執其使送京師愍帝嘉其忠卽

蘄州志

卷之九

鄉賢

十

以思同爲西面行營都部署討從珂軍潰爲從珂所執從珂曰罪可逃乎思同對曰非不知從王而得生恐終死不能見先帝于地下從珂媿其言竟殺之

李承約字德儉明宗時爲荆中節度使招降反叛毛璋明宗大喜遷黔南節度使勸農桑興學校及去任黔民乞留後官至左衛上將軍

張希崇少好學通左氏春秋爲靈武節度使不喜聲色善撫士卒恩威並著人皆悅服明宗詔褒美之

後漢

邊歸讜字安正弱冠以儒學稱仕漢歷禮刑二部侍郎時
史宏肇怙權專殺告訐成風邊公上言曰邇來有
匿名揭書及風聞言事搆害良善有傷風化遂使
奸吏得以報復私仇讒夫得以肆其虛誕請明行
禁止漢亡周世宗聞其亮直擢爲尚書左丞樞密
直學士顯德三年冬大宴羣臣於廣德殿邊公酒
醉奏曰趙守儼素無行陛下何不殺之衆引出次
日伏闕請罪世宗知其廉直剛介言多忤物命釋
之仍於閣門外罰飲數爵宋初遷刑戶二部侍郎
公無意仕進致仕歸卒老於家

後周

竇禹鈞家素豐性仁慈與其兄禹錫俱以誦學名年三十
無子夜夢其祖其父謂之曰汝宜早行善汝不但
無子而且壽不永竇公夢中拜而受教家有僕盜
用錢二百千慮事覺有女年十二寫券繫於女臂
云永賣此女與本宅貧還所負錢遂遁去竇公看
券甚憐之其女及笄以二百千錢擇良配嫁之僕

蘄州志

卷之九

鄉賢

七

聞而還泣訴已罪竇公不問僕父女圖竇公像晨
昏祝壽又元夕遊延慶寺得遺銀二百兩金三十
兩持歸明旦詣寺候失物者須臾一人涕泣而來
問之乃曰父犯大辟徧懇親知貸銀將贖父罪昨
醉於此而失父罪不得贖矣竇公驗其實還之復
又贈其盤費凡舉宗親之喪二十有七嫁孤貧之
女二十有八故舊窘困貸以金帛俾之販鬻爲活
者數十家四方之士賴其舉火者不可勝數每歲
歲之所入除日用之外俱以之濟人於宅南建昌

荊州志

卷之九

鄉賢

三

房四十間聚書數千卷禮文行之士爲師四方之
士有志於學者聽其自至後復夢其祖若父曰數
年以來汝有陰德名掛天曹增壽三紀五子皆顯
仍以福壽終陰陽之理太抵不異善惡之報遲速
之間耳從此愈積陰功後五子皆貴顯竇公仕至
右諫議大夫年八十二沐浴別親戚談笑而終

宋

趙贊字元輔父延壽尚唐明宗女封燕王公幼聰慧明
宗甚愛之常曰此兒令器也公七歲應神童舉明

宗詔曰都尉之子太尉之孫幼能讀書弱不好弄
克彰廷訓宜錫科名可特賜童子及第仍附禮部
春榜晉天福三年命公奉母歸薊州遼用爲節度
鎮河中後仕周爲龍武統軍從世宗南征拔濠城
授保信軍節度盡除苛政務從寬簡宋開寶二年
從征太原改鎮鄜州封衛國公卒贈侍中

趙文度後唐時舉進士歷徐交陳許四鎮從事漢時官至
中書侍郎平章事加司徒與郭元爲不協出知汾

州徙嵐州宋征嵐圍甚蹙乃降授安國軍節度使

薊州志

卷之九 鄉賢

三

徙薊州文度卒

馬全義善於騎射宋初從征李筠太祖召兩將計公對曰

筠守孤城若併力急攻立可殄滅倘緩之適足以

長其奸太祖曰此吾心也卽麾兵急攻公率敢死

士數十人乘城拔堞而上飛矢貫臂公拔鏃臨敵

士氣益奮遂拔其城以功遷左相都校領江州防

禦使尋因疾卒年三十八贈檢校太保太同軍節

度

高彥暉仕遼爲瀛州守將周世宗北征以城降遷耀州刺

史宋伐蜀公爲先鋒都指揮使又同田欽祚討全師雄至尊江賊據隘路官軍至遇伏不利田欽祚俱欲遁又畏賊躡其後乃詰之曰公食厚祿遇賊畏縮何也高公乃復麾而進田欽祚乘此遁去公獨與麾下十餘騎與賊戰皆死年七十人甚痛惜命優恤之

馬知節字子元以父全義廕補供奉官年十八監彭州兵兵士憚之如老將又監潭州兵時何承矩守鎮以文雅飾吏治公甚慕之因折節讀書旣而護兵博

薊州志

卷之九

鄉賢

四

州完城繕甲儲積芻粟吏民以爲生事忽遇遠兵至王師連敗至博州遼人知其有備退去徙知定遠軍時議欲令河南之民輸餉河北公對轉運使樊知古曰軍少粟多簸其紅腐尚當得十之六七知古從之果獲粟五十萬斛分給諸軍省河南之役有部民入堡避寇兵有盜其首飾者護軍笞而遣之公曰民避外患而來反罹內寇不治何以肅下卽命斬之又詔命同王繼恩討反叛李順王繼恩恃勢自任惡公不附已付羸兵三百遣公守彭

州至彭賊兵十萬來攻公力擊難敵曰檣槩潰圍
而出遲明援兵至復殺入賊乃濟去太宗聞而加
益漢州都巡檢劉旰作亂連下二十州縣公領三
百人追至蜀州與戰遂殺劉旰知秦州州有羌質
此有二紀矣公曰羌亦人也豈不思歸悉遣之羌
人感激再不犯塞秦州有銀鑛久竭課額弗給吏
必破產償之公三上章請蠲遷知益州兼本路轉
運使時歲運蜀物踰萬計每令富民以州運坐沉
溺之患破產賠補者甚衆公請代運蜀人之困稍

葡州志

卷之九

鄉賢

五

蘇徙知延州有言邊寇於上元節至公命張燈大
開關門累夕宴樂寇惧不測卽引去又徙鎮州詔
發漕魏等六州糧輸鎮州時兵交境上公曰糧米
是資寇也止之車駕至澶洲王超屯兵真定不至
公遺書讓之王超方出兵猶以中渡元橋爲辭公
備材木一夕而橋成召爲僉書樞密院事時大臣
多言祥瑞公獨不然之進樞密院副使王欽若時
爲正使公薄其爲人未嘗少屈每廷議得其不直
必面詆之出爲潁州防禦使知潞州移知天雄軍

詔知樞密院事以疾乞歸卒贈侍中謚正惠

趙普字則平初爲滁州判官太祖入滁與語大悅適獲盜至命盡殺之公請訊而後決內果有寃誣者十之七八得全活太祖奇之以爲樞密副使尋卽遷侍郎同中書平章事公旣相以天下爲己任太祖倚任之事無大小悉咨決焉計死不從公少習吏事寡學術太祖勸其讀書遂手不釋卷卒封韓王謚忠獻

李瓊好學涉歷史傳五代時仕周累官太子洗馬周太

蕪州志

卷之九

鄉賢

六

祖嘗稱爲師宋初召爲太子賓客以右驍衛上將軍致仕卒贈太子少師

竇儀字可象禹鈞長子十五能屬文仕周爲翰林學士宋遷工部尚書兼判大理寺奉詔重定刑統三十卷再入翰林知貢舉卒贈右僕射

竇儼字望之禹鈞次子幼能屬文旣冠舉進士仕周爲右補闕修三朝實錄加集賢殿學士判院事公上疏論歷代致理六綱一曰明禮二曰崇樂三曰熙政四曰正刑五曰勸農六曰經武禮有紀若人之

衣冠樂有章若人之喉舌政有統若人之情性
有制若人之呼吸農爲本若人之飲食武爲用若
人之手足斯六者不可斯須去身也世宗聽納之
詔命考正雅樂乃校鐘磬筦籥之數辯清濁上下
之節復舉律呂旋相爲宮之法迄今遵用之拜爲
翰林學士太常寺宋遷禮部侍郎凡祀事樂章宗
廟謚號多公撰定人服其該博

竇 侃禹鈞三子登進士與兄儀儼同榜文行並優仕至
起居部

薊州志

卷之九

鄉賢

七

竇 偁字日章禹鈞四子初仕州爲絳州防禦判官宋遷
右補闕知來州太宗領開封府尹時選公爲判官
尋出爲彰義節度判官太宗卽位召爲比部郎中
時議北征公議休兵牧馬以徐圖之太宗從其言
加樞密直學士遷左諫議大夫擢叅知政事卒太
宗車駕臨哭贈工部尙書

竇 僖禹鈞五子仕宋爲左補闕子諶諒誥俱登進士
許 驥風骨秀異十三能文長於詞賦初詣貢部與呂蒙
正齊名歷官御史中丞用法寬恕時稱長者

宋琪字叔寶少好學舉遼進士官侍讀漢時同趙贊至南宋初爲開封府推官時太宗領府尹甚禮遇之及卽位授太子洗馬遷太常寺丞擢諫議大夫叅知政事遂與李昉同拜平章加門下侍郎昭文館大學士尋以外事中傷見疑遂報罷卒於家

宋雄初與琪齊名幽薊間稱二宋雍熙中歷知均唐二州護河陰屯兵以知河渠利害命領護泝口均節水勢以達轉漕京師賴之遷將作匠監至職務修舉公私賴焉

薊州志

卷之九

鄉賢

六

田重進積功至靖雄軍節度使太宗在藩邸遺以酒炙不受謂使者曰爲我謝晉王我知有天子耳太宗卽位以其忠樸始終厚遇焉

楊崇勳字寶臣真宗時發周懷政謀傳位於太子逆謀擢桂州觀察使仁宗卽位授振武節度兼樞密副使進樞密使因上章懿冊不至御史劾罷之以使相判許州遣人將渝盟詔擇將備邊公自請行復拜同平章事判定州坐其子宗誨紙賍貶右衛上將軍致仕改太子少保卒贈太尉謚恭毅

遼

南修抃仕遼爲少府少監知秘書少監

韓知敬仕遼爲中書令佐國之臣鮮與之倫

韓知古善謀有識量仕至中書令時遼初立國文禮疎濶

公爲之援據古典參酌國俗以定禮制由是文質

咸宜

康默記本名照薊州校尉太祖侵薊州得之愛其才隸磨

下一切番漢相涉事屬默記折衷之悉合上意時

文法未備默記推折律意論決重輕不爽爲佐命

薊州志

卷之九

鄉賢

九

功臣

韓匡嗣官至西南招討使卒贈尙書令

韓德讓有威儀明治體爲政事令得幸於蕭太后賜姓名

耶律隆運拜大丞相封齊王

金

韓修玉以經義詞賦兩科進士入翰林爲應奉應制作詩

一日百篇文不加點嘗作元勳傳章宗嘆曰勳臣

何幸得遇此筆後以建言開潞水漕渠船運至都

陞陝西東路轉運使

韓錫其先自析津徙漁陽以蔭補閣門祇候天會中南
伐錫從軍掌禮儀天德初特賜進士及第四遷尙
書戶部侍郎大定初赴行在授同知河間府事累
拜絳陽節度使

左光慶好古讀書喜爲詩善篆隸尤工大字凡宮廟榜署
經光慶書者人稱其有法平時爲善言蓄善葯稱
善善道人

木甲法心貞祐時爲提控與同知順州軍事溫廸罕唆查
刺守密雲元兵於薊州執公家屬以示之令其速

薊州志

卷之九

鄉賢

三

降遲則卽殺家屬公曰吾事本朝受厚恩戰則速
戰必不降也豈以家人死生爲計耶城破公死於
陣溫廸罕咬查刺被執不屈死詔贈公爲開府儀
同三司樞密副使封宿國公樹碑時祭

元

鮮于樞能詩文尤精書翰至太常典簿所著有困學齋集

名擅一代

李修衍號息齋道人博學多技尤善枯木竹石著有竹譜
今傳於世仕至浙江行省平章政事卒謚文簡子

行官至黃巖知州竹石得宗學尤善山水

明

崔富字教之上醴泉人正統辛酉舉人知鄧州改知南通州陞兩浙運司同知賦性剛正居官冰蘖年未六十卽求退及歸之日獨策一蹇行李蕭然如布衣時公學問該博又工詞賦增修家禮集說重較聲律發蒙刊教民條約著鹽政一覽卒年七十有四子孫綿長科甲不絕人謂公之令德所衍

李素正統七年歲貢任浙江臨安知縣以德化民民嘉

蘄州志

卷之九

鄉賢

三

其爲良吏

毛勝以父蔭爲南指揮使正統后屢平賊寇陞左都督守邊封南寧伯

谷大用正統時監生祭酒李時勉忤太監王振枷於國子監門三日不釋時炎暑蒸鬱病不能勝大用憤激以隻名具疏請以身代疏入並釋之大用素樸魯不爲六館所知及是名動京師官至戶部主事

賈斌貢生爲鴻臚寺鳴贊爲人小心勤慎動無所苟宏治年視朝忽大雨郡臣皆失次惟公肅容鶴立

宗器之陞禮部左侍郎進尙書賞賚不可勝計正德改元致仕歸處鄉黨如布衣時有公事詣有司惟乘馬側行時年八十有五人助之輿夫終不受王鸞字鳴世鎮朔衛人舉人任山西鳳翔府同知持身儉約勞心撫字民皆感之

劉聰字守愚有友人毛欽病革以後事托公公爲之舉二喪婚嫁其子女在兵科給事中爲會試同考官所取皆名流時稱兵科爲錢窖公獨持風力請語不行上章勸孝宗早視朝以勤政事止傳奉以抑

蘄州志

卷之九

鄉賢

三

奔競皆嘉納之陞湖廣叅政承勘南渭王長子獄論死者五人公廉其誣悉之竟抵長子罪遷山東布政德王府造坎民苦其役公監修悉心經畫不三月而告成凡故舊告急無不周之巡撫宣府留心邊務境內肅清旣而致政歸以壽卒祀鄉賢祠史俊居醴泉鄉貧而好學成化時登進士歷吳縣知縣松江府同知有惠政民啣其德爲立去思碑陞常州知府遷陝西按察司副使致仕養親里居蕭然依然寒士人服其高潔

歐 信進士任戶部主事賑荒京西獨逋負萬計活飢民
萬人署郎中事時權貴有請河東鹽十萬引衆不
敢出一語公獨持不可督餉大同增置東大有倉
乘賤而糴不數歲贏五十餘萬石劉大夏巡撫至
嘆曰典邊儲者盡如歐郎中吾無此行矣中官樊
德趙宣上言保定河澗有隙地可作皇庄公往看
力白其妄乃止陞浙江叅政歷河南山東布政俱
有賢聲巡撫大同選將訓兵經理屯牧修舉廢墜
未踰年以勞瘁卒

薊州志

卷之九

鄉賢

三

燕 忠字良臣進士任常州寧國推官讞獄多平反有民
賈於江淮間怨家嫉其僕殺之因盜其貨罪人久
不得公廉其情誅之陞御史以災異上言親賢納
諫重名器節財費嚴賞賚諸事言甚剴切孝宗嘉
納之巡按陝西發奸摘伏風聲凜凜賊吏望風解
組陞環慶兵備副史轉山西苑馬寺卿陞按察使
禁和買節妄費民間有冰玉之謠進布政使以簡
靜爲治陝人逆璫劉瑾方柄國公獨不拜其墓且
無所餽瑾啣之卒不能害巡撫宣府改大理寺卿

執法秉公貴近請託一切拒絕辦知州田崑之冤
正胡某殺父之獄皆逆鱗忤權貴人爲公危而竟
從公之議江西藩臬交惡獄久不決蓋因宸濠主
之也公奉命往按獄成人無異言公爲人狷介峭
直寡言笑不輕交際人望而畏之有包孝肅趙清
獻之風居官三十年卒之日囊無餘蓄吏部奏其
剛正得大臣體法應贈典追贈刑部尚書

張寶舉人任舒城知縣愛民節用民以殷富陞亳州知
州扶弱鋤強豪右斂跡人咸懷之

蘄州志

卷之九

鄉賢

七

李莊上負鼎人以進士歷宰臨穎華亭俱有異政陞伊
府長史輔導莊王勉學睦宗君臣相得甚懽授嘉
議大夫王薨受顧命宗藩紛求嗣爵公獨奏濟源
王嗣之請名定封安鎮危疑公之功在社稷不能
盡述子孫屢世貴顯

楊臣下醴泉人少年奮志苦攻舉業早掇鄉薦任山西
石州知州歷江西瑞州府同知鹽運司運同清介
有聲鄉評推重

朱昭鎮朔衛人進士兩任縣令遷同貳出守黎平德政

多端居鄉恂恂人稱長者祀鄉賢子孫書香終古
歐思誠信之孫通判宏惠之子生而靈異十歲能文儒試
聯捷初宰朝邑行取爲大理評事轉知東昌府時
運河淤塞公建議疏決獨任勞瘁不爲權貴阻撓
六月而工告成全漕有賴竟以釐直忤時致政歸
而卒

歐思賢思誠胞弟進士宰合肥值歲歉人民凋瘵通賦甚
多公招撫移民還定安集懇荒納稅積遺頓紓民
不稱厲建祠祀之考最轉兵部員外郎勞瘁成疾

薊州志

卷之九

鄉賢

三

卒於官

李 秋下醴泉人進士任行人轉御史歷宣府大同遼東
巡撫賢聲大著考滿受封致政歸睦隣親族不以
貴挾人題祀鄉賢子孫仕宦不絕

侯 東營州右屯衛人舉人初宰新鄉捐俸修橋數省稱
便復令海豐愛民好士人甚懷之子孫繁茂繼世
書香

王 極營州右屯衛人天性峭直以進士授西臺彈奸劔
暴時稱鉄面歸里杜門掃軌不通公謁

莫 璿上負里人進士爲工曹主政遷樞曹郎秉憲大同
陞遼左大叅經文緯武風猷宣著以邊才課最致
政居鄉與俗無忤子孫書香繼美

崔 棟由進士仕中書遷柏臺持斧楊州禦倭有功請築
楊城以爲保障揚人德之而立祠焉主試陝西浙
江爲國羅賢如沈一貫朱賡輩皆一時名流及居
鄉持身以禮非朝賀不入公門壽八旬卒

王汝正下禮泉人進士由節推歷西臺遷臬憲直道難容
恬退歸里出入不乘無異布衣時親故蒙周恤者

蕪州志

卷之九

鄉賢

美

甚多

毛 綱倫之孫進士授汝寧推官持廉秉公寘崇藩校於

法崇王怒以刑威嚇之公神色不變王加禮焉歷

樞郎守杭州秉憲浙江蕩平穢寇晉秩禮閣卿巡

撫鄖陽陞大司徒地官卿經國充裕致政歸家居

拒城十里不入公門好學益篤課徒十餘人後先

登第待姪維騶如子亦登科甲置義田以周內外

貧族闔里德之士民公舉題祀鄉賢子孫繁衍奕

世書香

李修穉進士授主政兩任僉憲除礦弭倭廉直最著掛冠之日囊篋蕭然子孫及姪俱成文武世家

高 思鎮朔衛人少負文望數奇點額以歲貢任棲霞令廉仁愷悌民恒去思居鄉寬恭溫惠屢舉鄉賢

吳道東中安和人英敏博洽髫齡廩於庠以歲貢授青城令善政多端載青域名宦志中致政歸承歡父母二十年以孝聞居鄉長厚好施子孫奕世書香

崔 接歲貢知大寧縣持身廉介撫字多方折獄惟明待士以禮民爲之立去思碑居鄉綽有盛德子孫多

薊州志

卷之九

鄉賢

三

領科貢

成 憲少穎異登進士授庶吉士歷編修爲同考拔名士經筵日講纂修國史賜一品服册封朝鮮王陞兩京祭酒後歸林下捐資修鼓樓館穀資士數十人各贈義田歲贍以金帛文章博洽一時著作皆出其手

毛維騶性耿介有俠氣學宮傾圯慷慨貸金千餘修之登進士三歷縣令治績奏最所在去思爲地官郎督餉宣鎮忤時不合中傷解組里居時飄然豪宕揮

灑成文贍內外族以義田周鄉人之婚喪不舉者
公舉鄉賢

侯國安以歲貢分教深州歲大祲餽遺不受且以俸贍貧
士繼而諭靈壽士有婚喪不舉者多捐助之復授
山海會礦稅正行人將發難公以致政還不三月
而難作人稱其見幾

盧以茂鎮朔衛人性韶秀更博學舉人任南昌別駕進知
睢州俱有善政公餘則執經課士寒暑無間壽至
八十三歲而終

蘄州志

卷之九

鄉賢

三

張文炳上醴泉人舉人宰范縣捐俸代民償逋范人疎於
學公竭力勸課人情翕然以艱滿補令襄城其善
政一如治范兩邑士民俱爲立祠致政歸兩袖清
風杜門著書時有閩闕使者公之年友見公居湫
隘欲爲更之公動色力沮乃止其節操如此且加
惠後學凡登科甲者悉出公門子孫書香不絕
許一誠弱冠敏豁軒舉有大志登乙榜任儀真令以卓異
遷守高郵比前政更美擢同知淮安築黃河有功
致政歸著日行方便銘以警世子孫綿衍未艾

張士英鎮朔衛人純雅博學爲多士景附一時登科甲者皆出其門處異母弟愛若同胞自置產業與弟均分由選貢兩歷府幕清介不染致政歸尤甘淡薄教子成名壽七旬而卒誥封戶部主事

盧養浩生而韶秀爲文多奇氣登乙榜仕臨汾孟縣所在事治民安因忤時致歸以家政付之于子公乃日事吟咏超然物表待弟養明極其友愛諸妹曲爲奩飾擇配名門又瞻弟婦及孤姪教之成人子孫繼美

蘄州志

卷之九

鄉賢

完

姚鎮方由乙榜宰禹城慈祥愷悌民稱之爲真父母歸里冲恬真率平易近人待弟友于輯睦本族周給貧里有古長者風繼室安氏載節婦志中

滕一龍天資純厚沉酣經史由科榜令獲嘉調平順陞兗州別駕愛民禮士三地一轍居鄉恂恂依然寒儒氣象人咸稱之爲長者

李致和鎮朔衛人少孤事母至孝登乙榜宰嶧縣修泃河一道漕艘賴之薦擬奏最因忤時掛冠而歸鄉人重之

吳可願氣局璘珣胸襟瀟灑登鄉薦令涉縣善政善教民
尸祝之讀禮回籍足不出戶課子十人書香繼美
張元芳鶴體松姿遺塵獨立爲人若不勝衣言訥如不出
口如臨大節則凜然不可犯事母至孝待人惟謙
潛心理學不窺園戶登進士爲魯府李官禦白蓮
黨有功調鞏昌司李執法不阿仕至天曹主政書
香不絕

王 溥平谷縣人少遊庠慕麟經就正於郡師友因移家
於薊登進士歷固始嘉定以退倭寇功遷戶部主

薊州志

卷之九

鄉賢

三

政因疾致歸遂爲薊之世族繼世書香

李孔昭字光四博洽羣籍能詩善書登進士隱居林泉不
干仕進以孝事母娶王氏舉人治之女荆布甘貧
親奉藜藿孝事孀姑以順承夫志公失偶不再娶
授徒灤薊津沽間嘗講盡心章倡明理學其誨迪
則因材造就

國朝直隸撫院宋公權疏薦以養母辭不就按院陳公悱疏薦
以病辭其囑後事惟曰生順沒寧有子陵之風淵
明之守門人私謚之曰安節先生康熙二十六年

五月學院李公應薦批允入鄉賢祠崇祀云已故
進士李孔昭惇行無忝潛德可風養志承歡堪補
南陔之缺安貧樂道無假北山之移闡心性之真
傳行賢之奧旨崇祀允宜尸祝不愧旌曰燕山
處士後其子李稷能世其家學

蔡宗德坊市里民敦樸勤儉煮海致饒好行施捨捐資助
國奉命建坊以子秩授鴻臚壽八十七終子孫皆
貴

王永以例監任夏縣二尹蒞民廉謹因擒賊功陞臨縣

薊州志

卷之九

鄉賢

三

令老而告歸德重鄉評後嗣顯發

屈 伸生員渾厚謙恭兼隆孝友母故父收婢妾能以母
禮事之弟仕屢迫分炊必泣誓同居鄉族中從無
間言卒妻歐氏苦志撫孤詳於節烈志中子領鄉
薦

毛維鷹以生員歷事鴻臚性樸實重義好施貧族賴以舉
火者甚衆屢舉鄉飲賓教子有成科貢不絕

李進忠下負鼎民篤行好善勤儉急公族有逋賦代爲輸
納貧者貸以財物亦不責償有長者之風壽八十

二而終子登科榜

石景星生員鯁直長厚安貧守道親有疾日夕侍左右晝夜不息者累月凡遇人婚喪之不能舉者量力助之訓子登科第

高 蘭生員爲人敦樸動止循禮人或以橫逆加之則受之而不報教子有成

賈文運幼饒文學歲薦後自居州之南村置義館嘉惠後學一介不取與壽近九旬謙謹猶如平日允爲一鄉師範子六人各以文武起家

蘄州志

卷之九

鄉賢

三

蔡 瓚生員幼失怙卽知母尉氏爲己苦守萊彩承歡無有斃時遺姊妹三人俱未嫁多方承事擇配撿粧曲盡其道有妹蚤亡遺孤女撫養聘嫁一如其母之儀子二人俱以書香世家

李 信字中孚爲人正直學識廣博三秉教鐸弟子多名流

李邦彥由例監任山西臬司照磨勤慎有爲撫按文章薦陞宰河曲歷嵐縣平遙皆訟平賦均民咸德之遷守鈞州流賊橫行而不敢犯其境鈞人德之爲之

立祠

國朝

程天祐天才乃昆季也二人秉性俱謹恪誠樸崇禎壬午時死

骸遍地白骨滿目捐已資買地為義塚收埋無主

骸骨數萬有奇順治十年歲飢死者相枕又捐已

資買地作塚掩埋遺屍郡人進士李孔昭作文於

碑以紀其事碑現存文載藝文志中翰林章雲鷺

為之立匾曰倡和為忠兵備道李公中梧旌匾曰

鄉評夙高

薊州志

卷之九

鄉賢

三

崔元章本州尚義里人生而穎異不苟言笑不苟取與年

二十六食餼於庠試輒前茅事父母克盡子職執

親之喪哀毀骨立雖獨處必危坐卽子姪輩請見

必整襟以待不冠不見也論者謂有古君子風昆

季四人公居長次元文次元臣次元工當永感之

際三弟俱幼公泣然曰此吾事也加意撫恤朝夕

課讀為之次第完婚俾各成名友于之情倍篤於

孝思鄉里稱之無間言乾隆元年

令州縣各舉孝廉方正時公年三十八本郡士紳咸以公應公

力辭不得已應舉乾隆三年奉

旨給與六品頂帶終以痲疾不願仕進蓋其賦性然也乾隆十

五年復應本州歲貢生壽六十七而終

按鄉賢一門居鄉而有賢德者也夫居鄉而有賢德則必入官而有政績可傳者矣蓋未聞居鄉而賢入仕而敗官箴也亦未見人稱良吏而居鄉無可稱道也故鄉賢志中顯達者居多然亦有後世無聞而言行重于鄉党亦附及之維舊志會德諸人自宜列于孝義

孝義

北齊

鮮于文宗年七歲父以種芋時亡明年芋時對芋嗚咽如

此終身

元

曾 德宗聖五十七世孫母亡父仲祥再娶左氏移家襄

陽宋沒城陷與左氏相失德徧求之五年乃得于

廣海間奉迎以歸孝義甚篤事聞旌表

宋 杞一作宗杞大都人年十九父沒哀極成疾伏榻猶

薊州志

卷之九 孝義

三

哭不止淚盡繼之以血既葬作遺書囑妻楊氏曰

善守志以事吾母

杜 輔父老且瞽永樂初遼東兵攻陷薊州輔其妻

負父而逃事平而回其妻亦克保其身而歸人以

為孝感所致

孟 振父病亡振哀毀骨立幾至滅性廬墓三年塚上柏

變為松白雀巢於上人咸以為孝德所感而然事

聞旌表

敦 本事母甚孝凡溫清定省之節毫不敢有失里人咸

重之

楊景薊州衛百戶其父以文守禦崖口失機論死景陳情請以身代父得免

張廣父病篤醫者言必得人肝和藥以進乃可愈廣遂引刀剖腹割肝和藥與父服之病卽愈廣亦復生人皆以爲神異

歐俊父早沒繼母邵氏性最嚴必務得其懽心母病爲母嘗糞改藥能痊後其母亡遺子倫信二人俱幼俊友愛甚篤兄道克敦復延名師教之後倫及信

薊州志

卷之九

孝義

三

皆登仕

李誌天性至孝母疾願以身代由貢生任山西平定州知州寬厚廉謹人稱其循良後卒於官百姓哀之如失父母子孫俱舉子業世其家

李致中生員李直之子直故時致中與其弟致和俱甚幼母潘氏苦節撫育二子賴之稍長竭力事母篤志好學以成母志母年六十三而終二人哭盡哀三日甫成殮適隣火逼其母之柩致中致和負柩避火力不能勝被柩壓傷手指足指斷落非一哀動

路人勿藥而愈廬墓三年克盡哀毀之禮會有恩
詔公舉潘氏苦節二子孝行撫按題請建坊旌表
坊曰節孝聯芳

李 秀上負鼎人父病秘結秀吮腸得通其兄無後遺產
毫不染指以之盡周貧族客有遺金全緘還之子
二人一成進士

馬 奇生員學問該博與兄章友愛甚篤章有疾奇親供
藥餌昏夜不寢告天願捐已壽益其兄及章亡奇
哭之喪明而終

蕪州志

卷之九

孝義

三

姚鎮雄處鄉和睦樂善廣施修途葺橋以濟行人義重鄉
評公舉鄉飲旗匾曰耆德碩望壽九十六終

賈 鉞下負鼎里民重義輕財濟人利物每有便於人者
必樂爲之里中公舉其美旌匾曰天壽平格壽九
十四而終子五人孫二十一

孫育豪貢士居城南二王庄以義田贍其族之貧者而代
輸其徵人或行求無不輒應不計其償亦併不施
其勞更捐資作津梁以濟行旅誠德盛之善人也
故其子孫文武二途世其家

劉 淮居州南常口庄敦厚力本德齒兼隆族里美之稱
之上臺其子廷寶亦能克繼父志

王時可鎮朔衛人安貧樂道和鄉睦族三舉鄉飲賓旌匾
曰德劭崇褻壽八十而終子孫繁茂

賈國賓生員幼饒文譽行誼端莊有犯觸者毫不與之較
使人自愧故里人遇有過失恐使聞於賈公以爲
耻凡有貧而不能葬不能娶者咸周濟之不責其
償父病伏床親嘗葯餌送終哀切感動戚里公舉
優行文宗旌匾曰一淑百善學師匾曰孝義可風

薊州志

卷之九

孝義

三

子孫綿衍奕世書香乃盛德所致

林 望生員存性樸厚長於文學士林夙重之子美克紹
前徽一德無間孝行稱於閭里式穀貽於後人子
孫繁茂顯貴乃世德之所致也

王 洽生員聰慧英奇博通經史端方溫厚孝友兼稱誠
爲一鄉之楷範其子若孫皆登仕籍乃天之所以
報善人而又勉人爲善之意焉

趙鎮併下負鼎民同其兄生員鎮徽奉養父國瓔母楊氏
至孝母病鎮併等竭力侍奉母故而葬鎮併結廬

於墓而居朝夕悲泣三年如一日鎮徽在家奉侍
其八旬之父里人公舉旌匾曰克報罔極

侯實祿鑲黃旗包衣增廣生世居薊玉接壤之南河庄有
至性十三歲失怙卽悲動鄉里事孀母色養無違
曲意承歡年垂半百猶同赤子母有疾至衣不解
帶者月餘一切藥餌必親自檢點恐人或不潔也
母死哀毀骨立幾至滅性殯後情不能已復廬於
墓者三年朝夕哭奠上食侍立墓側無異生時每
雨夕風朝仰天長慟至羣鳥悲鳴親友來唁輒悲

薊州志

卷之九

孝義

三

咽不能出聲且好善樂施有如造橋修渡捨藥施
棺每逢歲饑則粥米兼施至數百石不吝鄰里族
黨中有不能葬者賻之不能婚者嫁之種種愍行
皆可爲當世風乾隆十四年合郡士紳公請於官
奉

百賞銀旌其間

黃九錫字弼辰歲貢生人品方正學問優長事父母以孝
聞家貧研田度日日與諸生闡發孔孟之心傳講
書務得宗旨爲文不尙詞華所成就者百餘人半

名下士誠一鄉之楷模云

王 羨榮慶屯民人也性淳樸與人無款曲治家勤儉好善樂施親故蒙周恤者甚多或有非禮之加從不與較有長者風壽享百歲無疾而終督學李匾其門曰無愧百年羨即前明鐵面衙史王極之後

趙成秀下負里人也居鄉醇篤年五十無子妻楊氏勸令置婢及購得一女年十四成秀見之惻然謂其妻曰吾無子命也以此皤皤者悞此幼女不重之過乎因作爲義女待之如已出逾年妻忽有姪連舉

薊州志

卷之九

孝義

罕

二子俱岐嶷特立鄉人傳爲美談長曰國興次曰國安同案遊黌序至其義女及笄擇良配嫁之迄今歸寧來往不絕而趙氏兄弟亦待之如親姊人謂厚德傳家足爲鄉里風

何 暄本郡庠生樂善好施凡地方公事靡不竭力爭先狗窩庄向有義渡一隻年久損壞乾隆四十三年公首倡義舉先捐東錢六百千勸募重修左近鄉人亦踴躍從事不數日落成行人至今便之

劉 璧字荆山恩貢生賦性純篤年十二失恃堂兄漢符

公器重焉爲之延師教讀公亦沉靜好學十九列
黌序試輒前茅家益貧開絳帳課徒於薊玉之間
得修脰以奉親日與諸生發明孔孟之蘊門下多
知名士夙昔謹飭言動無乖居父喪哀毀骨立事
繼母以孝聞異母弟二人幼而撫養長而婚娶克
盡兄道數十年如一日嘗諭子孫曰吾祖父來老
成傳家汝曹寧存忠厚勿學刻薄年六十餘非考
試不見官長碌碌似無他能里人敬重之

王 純字心一西花鄉人早孤事母以孝聞性質樸好讀

薊州志

卷之九

孝義

四

書家貧以香頭照讀無間寒暑教授生徒深明性
學宗旨寶薊知名之士率多從遊由廩生中式乾
隆辛酉科舉人歷任靈壽縣教諭陞山東觀城縣
知縣有政聲子廷相孫紹岐相繼登科書香不絕

按 孝者人子分內之事義者事之所當爲者也又何必

志焉亦知世之人孝而不竭其誠義而不盡于善則孝
義者貴矣雖身體髮膚不敢毀傷孝之始彼毀身割骨
之事誠不足重卽輕財好施者未必果見義理之當然
然猶幸其意之所在足爲當世風焉此孝義之所以志

乎

薊州志

卷之九

孝義

星

節烈

唐

韋 雍妻蕭氏張宏靖鎮幽州雍仕幕府朱克融亂雍被
劫氏聞難出與雍俱相抱痛哭左右格之不退刑
者斷蕭臂雍被殺蕭亦死

元

周 榮妻陳氏大都人二十七歲夫亡子甫歲餘誓不改
節甘貧紡績養育子詔旌其門

徐孫頭妻岳氏大都人元末兵入城氏告其夫曰我等恐

薊州志

卷之九

節烈

聖

被掠可奈何夫曰事急矣維死耳氏遂焚其居與
夫同赴火死其母王氏及二女一子皆抱持赴火
死

宋 讓一門諸烈婦兵破大都讓妻趙氏與子婦溫氏高
氏孫婦高氏徐氏及諸孫男女六人衆妾三人皆
赴井死

惠士鉉妻王氏大都人士鉉疾革曰我必不起前妾所生
子善保護之待其長而汝嫁及卒後垢形居墓側
撫妾子至歲餘亦死哭曰無復望矣經死於樹今

其地名雙塚云

明

成 卒妻劉氏其夫松江人失其姓名以罪戍薊州詐稱無妻遂娶氏爲室後遇赦欲歸乃給之曰吾暫歸省卽來久而不至氏抵松江訪之竟不認氏乃仰天哭曰良人棄我我將何歸獨有傲死伊前耳遂剪髮爲尼行乞於市人多憐而賙之乃製一棺夜臥於內如是五十餘年一日隣家火起氏入棺呼曰乞爲蓋棺以畢吾事遂與俱焚

薊州志

卷之九

節烈

四

王清臣妻馮氏東平州人至正末避兵於薊之黃崖東峪衆皆逃散氏與子匿草莽間爲邏卒所獲欲污之逼以兵刃不屈乃欲殺其子脅之氏執愈堅母子遂皆遇害

李彥實妻劉氏彥實早沒家甚貧乏子舍兒尚幼劉氏誓不更適舍兒旣長娶楊氏爲室未久舍兒故劉氏楊氏姑婦相依以真節自持至老不渝旌爲雙節
崔奉先妻王氏奉先早亡氏守節不二洪武年旌表

柳氏女許嫁主事趙野未婚而趙故柳氏誓不他適其兄

將奪其志不從後有疾不服藥人勸之藥柳氏曰
我未亡人也今年踰半百得死幸矣遂沒

薊州衛千戶李真妻韓氏真早亡子麟甚幼韓氏守身教
子俱有禮法事聞旌表

薊州衛人張俊妻寇氏俊沒寇氏年二十一歲貧苦萬狀
親屬勸其改適寇氏以死自誓老而不渝

營州右屯衛軍餘錢起妻崔氏起沒子利用甫週歲氏年
尚幼家甚貧矢志守節以女工易食撫養其子人
或欲奪其志崔氏以死自誓終不渝節

薊州志

卷之九

節烈

墨

興府紀善徐用妻劉氏年二十九歲而用卒守孤子來庭
撫訓兼施遂得成立爲庠生氏年七十餘而終

義民官孟時妻劉氏年二十而孟時沒子于喬纔生四月
氏立志撫孤苦守後于喬爲德府典膳氏年七十
而終

生員趙元亨妻方氏元亨故氏撫屍號慟毀絕數四以繩
繞棺跪伏經死旌貞烈坊

縣丞朱孔思妻劉氏薊州流寓劉宗仁女年十八歲適孔
思時孔思年已五十餘矣嫁八年而孔思病氏刲

股醫之不瘳而故氏引刃斷頸慷慨殉之題建劄
頸殉夫坊

生員歐士龔妻馬氏年二十六歲夫亡悲號欲絕不食五
日親長見孤呱泣解之乃孀守五十餘年貧苦自
甘八十八歲而終題旌建坊曰節凜冰霜

生員李直妻潘氏直故氏引索齒刃欲身殉親屬力解方
甦堅志守節甘貧教子待庶子致和勝於已出後
致和果獲成名題旌建坊曰節孝聯芳

生員邵思明妻毛氏二十九歲而寡其子養純甫六歲氏

蘄州志

卷之九

節烈

吳

紡績撫之得遊庠氏壽八旬時當道旌曰志貞從

一

民人李大熿妻甯氏十九歲大熿故二子尚在襁褓甯氏
單子饑寒撫子俱成立年七十二監司旌之

舉人姚鎮方繼室安氏二十九歲鎮方故哀痛欲殉因子
延年尙在襁褓乃矢志苦守撫子入泮姪孫永年
舜祚俱同學教讀婚娶分產一如已出一女適崔
門孀守三十餘年以壽終題請建坊旌表

生員崔格妻張氏二十歲崔格故家貧勤女紅以養舅姑

題旌節孝之門

生員屈伸妻歐氏伸故時氏年二十八翁姑年逾七十遺有子女五人乃治針綉醫葬雙親馮泮浣成活孤幼教子允元登科旌匾曰貞節

郎中毛維騶妻莫氏夫故時極其哀毀茹蘗飲冰撫前妻孤若己出嚴訓諸子俱成立旌匾曰節足風世

武庠生劉繼祖妻李氏夫故家業貧乏孤子名闕甫三歲親族每爲虐害氏甘苦訓子遊庠且令子謙和睦族不修宿怨里人頌之爲賢母壽七十餘而終

薊州志

卷之九

節烈

三

知縣崔接繼妻荀氏夫故時年二十九奉寡姑以孝撫前妻之子希淹希淵如己出教幼子希參俱遊庠歷四十餘年壽七十二歲而終旌匾曰節凜冰霜

崔敏妻郭氏夫故遺孤銘纔六歲家徒四壁貧不舉火操女紅以贍訓子遊庠壽七十二歲而終

李士銓妻苑氏夫故時家業消乏訓子苞及華俱爲庠生院道給匾曰名媛芳聲

營州衛指揮袁純妻張氏二十四歲夫故甘貧苦守撫五子俱有成授院旌匾曰貞慈儀世

蔡瓚妻王氏二十九歲夫亡哀慟至死者再四堅志苦守
訓子光春陽俱成立壽至七十餘旌匾曰貞節
生員劉應元妻張氏二十一歲夫亡子女無出繼叔子一
人以守節針工度日撫繼子成人壽七十四歲旌
匾曰貞心比石

生員甯登妻甯氏夫故家貧無子苦志守節壽七十餘終
生員杜蕃繼室朱氏年十九適蕃甫二年而蕃病不能起
謂氏曰我死爾年少子幼又非爾出爾將安之氏
執手泣誓許以必死不數月而蕃故氏哭之哀殯

蕪州志

卷之九

節烈

吳

殮成禮三日氏赴井欲投隣人救止遂引刃自刎
鄰又奪之乃絕粒三日閉戶自經

生員路之道妻賈氏夫故家貧苦守四十餘年壽七十九
而終

國朝

舉人王宸嘏妻康氏二十九歲夫亡矢志苦守撫幼孤王
惺遊庠娶于氏爲媳惺又病亡康氏于氏姑媳共
守幼孫廷璜食廩於郡庠一門雙節世所罕有也
庠生王惺妻子氏年五十一歲夫亡上奉孀姑康氏下撫

幼孤延璜遊庠食廩姑媳雙節郡中咸重之

關廂里民張其志妻鄭氏二十歲夫亡撫三月遺孤文標
奉養孀姑堅志苦守

尙義里民人張明德妻劉氏二十七歲夫故撫三歲孤兒
五美成立隨又病亡又撫孤孫可稱全節

奉天人侯有才妻甯氏夫故撫子世傑世桂世強俱成立
題旌建坊於薊州武定街

上負鼎民人華良才妻石氏二十三歲夫故無子堅操苦
節四十餘年以姪廩生華國之子爲孫

薊州志

卷之九

節烈

四

蔡久隆繼妻李氏十六歲適久隆二十二歲夫亡撫前妻
遺子及己子俱成立苦守四十餘年

民人王來問妻陳氏年十五適來問二十歲而夫故無子
苦志甘守四十餘年

民人李化醇妻梁氏年二十三歲夫亡遺腹生子元勳入
武庠苦守四十餘年而終

俞四維之妻楊氏四維被壬午之難氏年方二十三歲長
子獻六歲幼子嘉謨四歲氏於蓬門敗壁之下苦
志守節撫孤成名獻任江南休寧縣知縣嘉謨入

順天府庠生

高翔之妻李氏年二十而翔沒子士毅生未逾月氏苦志守節撫孤成立遊庠皆氏之力也

里民于際熙妻劉氏二十四歲熙沒守節六十二歲卒

千總陳士貴之繼妻李氏二十五歲夫沒守節撫前妻之

子樞七十一歲卒

上禮泉民李嘉棟妻張氏夫亡遺子毓祥尙幼苦志守節

撫孤成立享年六十七歲里鄰公舉旌匾曰柏操

孟姜又匾曰坤德昌後

薊州志

卷之九

節烈

三

以上舊志所載

王之弼妻趙氏

張文傑妻郝氏

楊從盛妻劉氏

王自立妻趙氏

邊國鏡妻楊氏

仇建名妻李氏

姜一生妻張氏

吳廷進妻王氏

俞之駮妻余氏

趙淳妻馮氏

馮盛明妻張氏

王良有妻蔡氏

劉宗湯妻任氏

張亭玉妻楊氏

卞成玉妻楊氏

奚善征妻蘇氏

劉榮妻謝氏

薊州志

卷之九

節烈

五

以上俱奉

旨旌表但年遠事湮無可徵考故僅存其名云

仇潢妻王氏年二十四歲夫亡孝事衰翁撫孤入泮勤儉

持家族党衿式守節三十餘年雍正十年旌表

劉炳妻許氏夫亡遺孤無依飲冰茹蘖撫之成立苦節至

六十四歲雍正十年旌表

李異森妻馬氏年二十七歲夫亡翁姑衰老子未週歲事

親撫孤孝慈備至苦節至七十有一雍正十年旌

表

張時隆妻康氏年十八歲夫亡孝事翁姑訓子敬入泮又
撫夫弟爲之婚娶夫弟亦事之如母守節三十餘
年雍正十年旌表

生員崔起鳳妻侯氏年二十三歲夫亡子炳甫四歲訓之
入庠諸孫多采芹食餽循循守則苦節至七十六
歲雍正十年旌表

宋明燾妻倪氏年二十二歲夫亡四月生子之聰教誨成
立葬親娶媳悉出紡績守節至六十三歲雍正十
年旌表

蕪州志

卷之九

節烈

五

丁 圻妻崔氏年二十八歲夫亡子爲鋸甫彌月家甚貧
苦撫孤成人操持勤儉鄉里矜式守節至五十二
歲雍正十年旌表

李之柔妻張氏年二十三歲夫亡家極貧全憑紡績養無
日姑撫四歲子孝慈兼盡苦節三十餘年雍正十
年旌表

李世新妻崔氏年二十五歲夫亡無子事孀姑撫夫弟婦
高氏幼孤成立起家高氏亦苦節事姆如姑雍正
十年旌表

張國振妻劉氏年二十七歲夫亡遺二子俱幼氏辛勤撫育艱苦備嘗子皆成立守節至六十五歲雍正十年旌表

生員劉炳妻許氏夫亡撫養幼子庭訓有方子吉祥竟克成立守節至六十四歲雍正十年旌其門曰孀美

孟陶

杜毓祥妻史氏年十八歲夫亡氏欲身殉族黨諭以宗嗣大事氏卽乞族姪爲子苦節九十餘年壽百有八歲目覩子若孫俱成立而終乾隆八年旌表

蕪州志

卷之九

節烈

五

宗坤妻劉氏年二十五歲夫亡遺子士型甫三月家貧甚緝績以爲生克勤克儉教養成立始終不渝乾隆十一年旌表

生員王鍾珮妻孟氏年二十二歲夫亡遺一男一女四歲旋亦夭歿氏痛夫亡子歿便欲從死因翁姑年邁不認重傷其心取胞姪爲嗣誓無他志侍翁姑以孝聞撫嗣子俾成立飲冰茹蘖者三十餘年乾隆十一年旌表

陳嘉謨妻張氏年二十四歲夫亡遺腹生男家貧如洗上

事孀姑下撫孤子劬勞備至久而彌堅里人咸稱之乾隆十一年旌表

金宏基妻沈氏年二十三歲夫亡遺一子尙幼號泣累日欲以身殉因念金氏一脉止有此孤宗祀所關尤重遂矢志苦守撫子成立歷四十餘年如一日六十八歲而終乾隆三十二年旌表建坊曰清標彤管

白克遜妻崔氏年二十七歲夫亡翁亦繼逝子溥未週歲氏力舉二喪劬勞備至姑性嚴厲曲意承歡克盡

蘄州志

卷之九

節烈

五

婦道年七十一而終乾隆五十四年旌表

生員崔元工妻王氏年二十三歲夫亡維時上無舅姑下無子女孤苦僿仃堅貞守節閱三載胞姪鈺生卽求以爲嗣朝夕課讀後鈺得列名黌序秉氏教也年七十七而終乾隆三十年以苦節旌表建坊曰清標彤管

候選州同張耀妻王氏年二十一歲夫亡無子氏求胞姪揚澄爲嗣矢志苦守歷三十餘年如一日里人重之

王振達妻湯氏適振達未一年而夫亡舅姑勸令他適氏曰公姑年邁又無次丁婦去二老何依况有遺腹倘生男則有後矣宗祀所係甚重誓守節不二後竟生男取名蕃宗氏上侍舅姑下教幼子艱苦備嘗蕃宗竟得遊庠嘉慶二年旌表建坊曰冰霜比潔

林國傑妻王氏年十九歲夫亡無嗣翁姑亦早逝氏孑然一身柏舟自誓藉針黹以自存活歷四十餘年如

一日

蕪州志

卷之九

節烈

五

生員李鈞妻黃氏年二十二歲夫亡無子族人勸令他適婦以死自誓貞義凜然歷久彌厲學使者給匾旌其門口藜苦蘭芳

生員盧禧妻李氏年二十八歲夫亡遺一子甫週歲立志守節家極貧以針黹爲生計雖藜藿不充處之若固然一日子匍匐入井氏見之情極卽亦投下置兒腹上浮水面以號鄉人急救之得不死問以不沉之故則云初下時以母子俱無生理未幾若有物負之者兒亦不知何以躍赴腕下遂提置於腹

人皆以爲有神佑云

生員盧琮妻于氏年二十九歲夫亡家貧無子立志守節
孝以奉姑四十餘年如一日里黨共表其門曰苦
節堅貞歷年七十而康健不衰

廩生白廷輝繼室李氏幼讀書粗知大義夫死氏哭泣不
食七日不死子婦勸解再四慨然曰今而知人不
能以餓而死也遂進食如平日至晚更衣閉戶自
縊死

白鳳鳴妻高氏年二十三歲夫亡遺腹生子氏矢志苦守

薊州志

卷之九

節烈

妾

糟糠不厭歿年七十五歲

白文禮妻劉氏年二十二歲夫亡貧無立錫地無子矢志
自守鄰里咸議之曰貧婦亦講節義耶氏聞之益
奮泣自勵備嘗艱苦終不再醮歷四十餘年

婁永芳妻張氏年二十七歲夫亡苦節自甘歷久不渝
生員王定國之母傅氏年二十四歲而寡甘心守節撫孤
成名嘉慶二年學使者旌其門曰別鶴貞松又本
道給匾曰節傲冰霜年逾七旬猶勤動不倦云

白 玠妻孫氏年二十四歲夫亡誓不二天守節終身歷

久益勵六十四歲而歿學使者匾以旌之曰誓心
天只

婁德峻妻李氏年二十四歲夫亡無子矢志守節家業艱
難備嘗辛苦孑然自存

高春茂妻張氏年二十五歲夫亡守節七十五歲而歿生
平井田親操勞苦無怨

白眉妻榮氏年二十二歲夫亡事舅姑以孝聞遺子無
玷教之讀書成名苦守四十餘載六十六歲時學
使曹公城匾以旌之曰貞孝兼優

蕪州志

卷之九

節烈

五

王雲龍妻司氏年二十五歲夫亡家奇貧無立錫地以針
繡為存活撫孤守節久而彌堅如是者六十餘年
于潤妻杜氏年二十九歲夫亡家貧無子紡績為生篤
志守節至八十三歲而終蓋茹悲飲泣者五十有

四年

正藍旗漢軍王佑妻陳氏年二十四歲夫亡冰霜自勵誓
不二天歷五十餘年

生員周九卿妻黃氏年二十四歲夫亡氏矢志守節歷四
十餘年如一日鄉里無間言

杜守業妻王氏年二十歲夫亡失心天只辛苦備嘗四十餘年歷久倍篤

吳從秀妻陳氏年二十九歲夫亡矢志柏舟之死靡他壽九十五歲而終

榮盛妻方氏年二十九歲夫亡無子求姪大業爲嗣堅貞自守誓不二天七十三歲而終

榮大用妻郭氏年二十五歲夫亡遺一子尙幼氏矢志苦守撫養遺孤訓誨有方俾克成立歷四十餘年而康健不衰

蕪州志

卷之九

節烈

五

王者重妻張氏年二十一歲夫亡臨壙時欲以身殉伏念現有遺腹或可爲亡人延宗脉飲泣苟活後果生男以養以教至於成立始泣然曰畢吾事矣七十有四歲而終

蒙天貴妻宗氏年方二十二歲夫亡臨葬時欲投壙以殉男姑救止之諭以大義乃止甘心守節撫子成立其艱苦有非人所堪者五十餘年

廩生王修已妻吳氏年二十九歲夫亡遺子熊兆甫五月氏以宗祀所關不可死矢志自守上事舅姑下撫

幼子難苦備嘗子稍長勉令就外傳每夜必課讀如嚴師暇則教以禮讓熊兆遂少年遊庠咸氏教也年六十餘猶時諄諄訓誨不輟乾隆二十年學使者匾其門曰九熊懿範

孫守鳳妻柴氏家貧夫瞽年二十八歲守鳳亡遺二子家益蕭條如洗泔泔洗以給薪水甚至掘草根雜糠粃食之苦節三十餘年今二子俱成立年老猶作苦不輟

生員何希聖妻康氏年二十四歲而夫亡遺一子鈞甫週

蕪州志

卷之九

節烈

九

歲父母哭之曰何氏書香自此隕矣恒鬱鬱不樂氏上侍舅姑下教幼子稍長卽勉令就塾歸令背誦於祖父母側以慰老人心鈞竟少年食餼後以例貢肄業成均爲里中佳士乾隆二十五年學憲旌其閭曰義方淑節

生員李發祥妻張氏年二十五歲而寡生子甫週歲家貧如洗舅姑年俱邁氏上侍下撫拮据操作恒忘其疲舅姑皆稱孝婦未幾相繼卒氏啼曰天旣奪我良人何又奪我舅姑之酷耶哭泣之聲悽動風雨

極力營葬辛苦備嘗後子亦成立年八十一歲猶康健不衰

陳得君妻張氏年二十四歲得君亡家貧以針黹爲生活克勤克儉勵節三十餘年菽水竟以不絕里人咸敬服之學憲羅公旌其閭曰巾幗鬚眉

生員張紳妻趙氏十七歲于歸甫二年而紳亡遺一子纔週歲舅姑年邁家徒四壁借紡機爲存活氏上侍下撫辛苦備嘗親戚鄰里無不欽敬

劉繼宗妻王氏年二十九歲繼宗亡家貧子幼矢志守節

節烈

卒

以澣濯得資奉養舅姑備嘗艱苦年七十而終蓋茹苦者四十餘年

郭鼎梅繼妻傅氏恩貢生傅維翰妻適鼎梅三年而寡矢志柏舟誓不他適侍舅姑以孝道教幼子以義方節凜冰霜心同銑石親族中無不稱爲巾幗完人趙之屏妻紀氏十七歲適之屏越四年而寡無子苦節全貞志同松柏歷六十年如一日

白克讓妻李氏夫亡無子清苦守節沒齒無怨

文童黃記之妻郭氏年二十五歲而寡遺子尙幼氏上侍

舅姑下撫幼子家貧以紡績度日鄉里咸敬重焉
廩生王端已妻傅氏十七歲于歸二十一而寡上侍舅姑
克盡婦道下教幼子無愧義方歷節三十餘載鄉
里無間言

劉 增妻尹氏年二十二歲而增亡子幼家貧百計經營
始得葬夫撫養幼子課讀維勤子慶賜終以例貢
列名成均胥氏力也里人咸敬仰之爲之匾其門
曰冰雪情操

白 坦妻高氏年二十八歲夫亡遺二子貧如洗氏以紡
績度日晝夜不輟劬勞備至撫養二子俾各能成
立

蕪州志

卷之九

節烈

空

楊必達妻王氏年二十四歲必達亡矢心天只誓不他適
苦節已五十餘年嘉慶五年立匾旌表

王廷瓚妻孫氏年二十四歲而寡家貧無子堅貞自守之
死靡他取胞姪玉以爲嗣朝夕教養愛如己出以
至成立年五十九歲而歿

韓文璿妻楊氏年二十五歲夫亡遺子甫五歲以針黹爲
存活撫子成立年六十六歲而終

生員范維一妻王氏年二十九歲維一亡遺子允執尚幼
氏真心守節教子成名備嘗辛苦時學政羅匾其
門曰閭節流徽

周希孔妻韓氏年十六歲適希孔十七而寡無子翁姑以
其年幼勸令他適氏哭泣自勵誓不二天上侍舅
姑以孝聞越八年始取族姪之德以爲嗣教養有
方竟得遊泮時學政金旌之曰雪柏霜筠年六十
四歲終

蕪州志

卷之九

節烈

三

終

張慶甯妻王氏年二十六歲而寡矢志苦守歷數十年如
一日

楊三讓妻王氏年二十八歲三讓卒無子且貧無立錫地
氏甘心苦守以績紡爲存活饑寒勞苦有人所不
能堪者氏獨處若固然

漢軍白來純妻張氏世居蘄郡適來純一年而寡矢志守
節始終不渝

正白旗漢軍李文璿妻吳氏世居蘄之馬伸唐年二十一

夫亡矢以身殉顧念子甫週歲且有遺腹含悲荷
活越兩月又舉一男節痛撫摩俾各成立蓋啣悲
茹藁者三十有四年

內務府漢軍李實縻妻馬氏祖居郡之下醴泉年三十而
寡撫孤守節矢志靡他長齋縞素以終其身鄰媪
過之從未嘗一見齒乾隆乙未年奉

旨賞銀建坊年八十五而歿

正白旗漢軍莊國明妻郝氏世居薊之東定福庄年二十
五國明亡遺子尙幼氏矢志自守貞義凜然教養

薊州志

卷之九

節烈

三

幼子克彰庭訓鄉里咸矜式焉

生員張廷瓛繼室李氏適張未一年瓛卒無子矢志守節
張故漁陽望族家中落貧甚矣針黹爲生計得資
則以奉舅姑粗糲藿羹恒數日不得一飽氏處之
恬如也時嚴寒衣敗絮操作風雪中雖手足皸裂
不能輟族黨聞者莫不歎惜

生員白駟繼室孫氏十九歲適白不二年駟亡家貧無子
清苦守節誓不二天至三十四歲而歿里人惜之
陳禮妻吳氏年二十九歲而禮亡氏號泣累日幾不欲

生伏念宗祀爲重含悲守節求姪大德以爲嗣撫
養成立訓誨有方嗣子遂以少年遊泮守節十三
年而卒

生員楊奇妻屈氏年二十八歲而奇亡遺子甚幼氏矢志
苦守借紡機爲存活教養幼子兆周弱冠遊泮壽
五十三而終守節二十五年

王維義妻金氏二十二適維義不一年而寡氏欲以身殉
翁姑力勸阻意始回越十年胞姪振銘生卽以爲
嗣上侍舅姑下撫嗣子無愧婦道族黨咸稱頌焉

蕪州志

卷之九

節烈

畚

王廷綵妻吳氏年二十一歲夫亡矢志苦守歷久倍篤里
人稱之

宋九錫妻董氏二十七歲九錫物故家貧遺子甫三歲氏
悲曰先人以宗祀委我矣矢志苦守撫養幼子俾
得成立

張廷棟妻巴氏十七歲適廷棟二十而寡上有老姑下有
幼子井曰親操劬勞備至已歷數十年鄉里絕無
間言

張廷珍繼室張氏十八歲于歸不一年廷珍亡有前妻所

遺一子一女俱幼氏極力撫之愛愈已出家貧藉針黹度日爲子完婚爲女擇配辛苦備嘗節操愈勵里人咸贊之

生員王紹豐妻白氏適紹豐甫三年而寡無子撫一女守

節不二

王崑妻孫氏十九歲而寡並無子女苦節自矢依夫弟

歧爲存活迄今鄉里無間言

以上自張李氏以下數人委係青年苦節鄉里毫無

間言惜未請旌有案者居多前州趙牧據紳士等採

薊州志

卷之九

節烈

奎

訪前來留有草稿而郡志自此修輯之後重訂又不
知在何年自應志其節畧一併列入卽將來呈請旌
表有人亦足爲諸節婦之一証也

劉國勳妻王氏年二十五歲夫亡家貧矢志苦守上事翁

姑下撫幼子辛苦備嘗前州守趙旌其門曰松筠

節操

聞國俊妻姚氏夫亡守節矢志不二嘉慶十一年知州事

趙錫蒲給匾旌表曰履清懷潔

張士俊妻胡氏年二十三歲士俊亡遺子智甫二歲氏矢

志守節誓不二天撫子成立備歷劬勞

周恒有妻劉氏年十九歲夫亡無子矢志守節以胞姪爲嗣教養兼至辛苦備嘗嗣子微得以列名巒序咸氏力也且樂善好施左近貧乏者無不粘其滋潤焉壽七十七而終族里至今頌之

林應春妻劉氏二十九歲夫亡遺二子俱幼矢志苦守撫養二子未幾長子國傑亦夭氏號泣欲絕伏念一息僅存有關宗祏節哀撫育教養有方次子國樞遂以少年游泮林氏宗脉亦賴以不絕享七十壽

薊州志

卷之五

節烈

五

而終

魏嚴之妻李氏年二十七歲夫亡無子矢志不嫁家貧苦守以胞姪榮陞爲嗣

陳君亮妻譚氏年二十九歲君亮卒氏苦節自守誓不二天壽七十四歲而終

陳泰妻吳氏年二十八歲而寡矢志柏舟堅貞不二歷五十餘年如一日享壽八十有五

正藍旗人王開第妻趙氏世居薊之東朔河庄年二十六開第亡遺子襄尙幼氏孤苦零丁矢志柏舟教子

成立鄉里無間言

劉靜妻劉氏年二十七歲而夫亡遺子國儒國濟俱幼氏矢志苦守教養幼子俾各成立年七十餘歲康健不衰

王謹之妻陳氏年二十七歲而謹亡遺子越尙幼氏矢志守節撫孤成立辛苦備嘗享壽八十一而歿

生員田經妻王氏賦性端淑言笑不苟年二十三歲夫亡無子遺二女氏曰夫亡無子有女何爲欲絕者屢舅姑泣止之曰兒亡媳復殉吾垂暮者將何堪氏

蕪州志

卷之九

節烈

七

乃收泣治事侍舅姑以孝聞每歲時伏臘輒俯仰哀惋但哽咽不出聲慎傷翁姑心鄉里傳者莫不稱歎至道光六年守節已三十五年由州表立白首完人匾額今又五年年六十三矣

趙焯妻孫氏十九歲于歸越四月焯亡無子舅姑年且邁氏矢以身殉二老泣止之託以終身氏方勉治家事未幾翁病目盲舉動需人氏奉侍左右無不適意生盡孝死盡哀守節四十餘年取族姪以爲嗣撫養訓導辛苦備嘗道光七年由州立節勵冰

霜區以表之

王貞女生員王天元女也生而莊靜許字蘇幹苑年十九
婚有日矣幹苑以暴疾卒女請往成服父母不許
百方覓死不得已聽之既往蘇亦憐其少勸令歸
堅執不肯曰旣入此門卽吾畢命處矣必令歸只
有從亡人於地耳翁姑見不可奪勉從之下女縞
衣素履朝夕哭拜殯後上侍舅姑克盡婦道鄉黨
聞之莫不嘉嘆因請於學師匾其門曰抱璞完貞
初姑有次子尙在襁褓姑多病氏代育之如親生

蔚州志

卷之九

節烈

突

侍老撫幼無片刻安絕無怨退意未幾翁姑相繼
歿女晝夜悲號哀動鄰里多方勸解勉以撫幼弟
爲蘇氏存宗脉女始節哀治事殯葬悉合古禮撫
養幼弟以至成立蘇氏得再造焉郡人合詞請旌
道光七年藩憲飭發建坊銀兩

武生吳克寬妻黃氏二十八歲夫亡尙有翁姑極盡孝道
紡績爲生撫養孤子成立守節三十餘年道光八
年由州表立志凜冰玉匾額

監生高天錫繼室方氏年二十八歲夫亡守節至道光九

年已三十四年至設奉順天府尹檄飭查明事實
准其請旌現已具詳在案

張廷祥妻孫氏道光九年十六歲歸廷祥夫兄廷喜欲汚
之屢加折辱氏堅執不從冬十二月被毆死州吏
廉得其情置廷喜于法十年隨案請旌奉

旨准入貞節祠并給銀建坊

生員陳大謨妻李氏二十八歲夫亡家貧奉養翁姑紡績
以供甘旨翁始病侍奉湯藥彌謹隣族稱之道光
十一年六十一歲隣族呈請州牧給節勁秋霜匾

薊州志

卷之九

節烈

九

額以表之

王 惠妻張氏十六歲于歸二十而寡食貧苦節奉養翁
姑喪葬盡禮因無子撫胞姪王友生爲嗣教養備
至娶媳趙氏伉儷七年友生亦故趙氏侍奉孀姑
擇繼嗣而教養姑歿哭送合城目睹者無不揮淚
兩氏各守節四十餘年道光十一年州牧賜匾曰

冰蘖雙清

王友生妻趙氏詳上

補遺

白 超妻陳氏孝侍翁姑宗黨和睦鄉里皆以賢名而超年二十七歲屢試未擢一芹乾隆辛卯試回抑鬱成疾而亡氏晝夜哀泣七日不食以殉

庠生陳殿閣妻張氏年二十七歲而夫亡苦志守節乾隆

甲寅蒙 學憲吳 旌其門曰志堅飲藥

庠生陳維新妻李氏年二十一歲夫亡家貧無子苦矢柏

舟之志而侍翁姑無不克盡婦道乾隆甲寅蒙

學憲吳 旌其門曰松筠競節

李 忠妻沈氏年二十五歲守節至老

蕪州志

卷之九

節烈

三

謝 重妻楊氏年二十一歲守節乾隆五十九年蒙

學憲吳 旌其門曰安貞裕後

于 漢妻何氏年二十三歲守節至老

陳 珩妻段氏年二十六歲守節至老

庠生陳玉麟妻孫氏年二十八歲守節至老

王嘉會妻張氏嘉會有母老病思肉食貧不能致婦私割

臂以食母病從愈而婦因創痛羸瘦日甚有鄰嫗

察其異捉臂視之詰得其情里閭嘉其孝爲具狀

請額蒙前州牧郭公作記至今士人猶嘖嘖稱道

之

張 鋼妻金氏年十七歲適鋼甫二年而鋼亡生一子氏

紡機教子井白親操矢不二天家徒四壁恒茹荼

食糝撫子成立歷今五十八年

楊大忠妻王氏年二十歲守節至老

趙 銓妻劉氏年二十一歲守節至老

庠生邵春華妻吳氏年二十一歲守節至老

趙之錦妻吉氏年二十一歲守節至老

張廷漢妻傅氏年二十六歲守節至老

蕪州志

卷之九

節烈

三

吳廣普妻婁氏年二十四歲守節至老

劉 忠妻馬氏年二十四歲守節至老

王景祿妻陳氏年二十四歲守節至老

李明卿妻張氏年二十五歲守節至老

白如璧妻郝氏年二十四歲守節至老

陳 極妻王氏年二十八歲守節至老

徐 斌妻黃氏年二十六歲守節至老

高 煥妻楊氏年二十五歲守節至老

劉 淪妻高氏年二十五歲守節至老

李廷璧妻崔氏年二十八歲守節至老

陳景照妻王氏年二十一歲守節至老

楊思寬妻馬氏年十八歲適寬甫一載而夫亡矢志不移
績紡侍親葬養盡孝提攜夫弟成立室家因無子
嗣以姪承繼教育成人道光六年蒙前學憲彭公
旌其門曰節高壽永

陳 鏞妻閻氏年十五歸鏞和諧能敬十一載而鏞亡氏
痛所天遽殞願之死同歸殮後自盡以殉時年二
十六歲委員范澍辦道館於氏庄有雖同衾同穴

薊州志

卷之九

節烈

三

不必同亡而從烈從貞均屬從義之嘆蓋深嘉其
舍生之正也

按
薊州風俗凡貞女節婦家有餘力者率皆地方官給
立匾額並不詳請

題旌其寒苦之家更無計及故自舊志李張氏以下百數
十年間其可考者少今就有案據者書之其張李氏以
下數人半未具呈有案乃前州牧趙額修是書分人採
訪者亦并列之數十年艱難辛苦不欲沒之也

仙釋

上古

廣成子不知何時人黃帝立為天子聞廣成子在於空同之上故往見之曰聞吾子達於至道敢問治身奈何而可以長久廣成子曰善哉問乎來吾語女至道至道之精窈窈冥冥至道之極昏昏默默無視無聽抱神以靜形將自正必靜必清無勞女形無搖女精乃可以長生日無所見耳無所聞心無所知女神將守形形乃長生

蘄州志

卷之九

仙釋

三

唐

薛昌唐舉進士天寶間止於蜀之青城洞天觀忽得商陸酒飲之耳鼻流血死三日魔然而起身輕目明勢欲飛舉洞見遠近節度聞之延至欲送京師忽不見

蘄子訓母不夫而孕生子訓於蘄遂以蘄為姓生有神異常乘驢謁許下過滎陽止客舍驢斃子訓安坐飲食不以為意食畢以鞭擊之驢即奮起抵京師座上數百人皆為設酒脯終日有百歲老人言為童

子時見子訓賣藥於會稽顏色不異于今後又有
人於長安市中見子訓同二老人摩挲銅人相謂
曰適見鑄此已近五百年矣猶乘一驢見之人呼
曰蘄先生少住同行子訓應諾視之若徐行而走
馬不能及

寶積禪師行於市肆間見一人買猪肉語屠家曰精底割
一筋來屠家放下刀叉手曰長史那個不是精底
師於此有省又一日出門見人舁喪歌印振鈴云
紅日決定沉西去未委靈魂在那方幕下孝子哭

蘄州志

卷之九

仙釋

毒

曰哀哀師忽身心踴躍與似馬祖祖印可之後住
盤山有十人上山九人得道之語普化乃其一也
將順世告衆曰有人邈得吾真否衆將所寫真呈
皆不契師意普化出曰某甲邈得師曰何不呈似
老僧普化打筋斗而出師曰這漢向後掣風狂去
在師乃菴化謚凝寂

普化和尙不知何處人師事盤山狂出言無度隨路行
化或城市或塚隨處而往手執一鐸凡見人必振
鐸或於人耳邊振之或附人背人面顧卽伸手曰

乞我一文錢常於園闔間搖鐸曰覓個去處不可
得一日入市對人曰乞捨我一個直裰人以衣與
之不顧搖鐸而去盤山僧臨濟知之使人將一棺
付之普化笑曰臨濟那厮饒舌卽受之辭衆曰普
化明日去東門死也次日郡人相率出城普化大
聲曰今日葬不合青鳥明日南門去死明日人又
往南門普化又曰明日西門乃吉人意稍怠出視
者漸少普化入棺而逝郡人奔走往視揭棺看時
屍已不見維聞空中鐸聲漸遠

蘄州志

卷之九

仙釋

七

道宗俗姓田千牛將軍賓庭之後元和九年於燕庭金閣
寺受戒聞盤山寶積大師往詣參承太和二年屆
盤頂居焉咸通七年化緣時畢說偈靈脫

常實繼道宗住上方感化稱伏虎禪師今有伏虎峪在上
方塔院

存獎俗姓孔闕里裔孫也七歲時於盤山甘泉院依曉方
剃落大中五年具戒尋參臨濟爲侍者旣而徧歷
諸方後告寂闍維得舍利千餘粒

非濁俗姓張范陽人嬰足疾遯跡盤山敷課于大白傘蓋

每宴坐誦持常有山神部從敬侍

金

曇無竭姓李氏幽州人幼爲沙彌修苦行後入流沙進至
罽賓禮佛鉢學梵書梵語求得觀世音受記徃梵
文尋西入月氏國天竺界維賚石密爲糧隨舶泛
海達度州而歸后不知所終

元

邱處機字通密號長春真人登州栖霞人年十九辭親學
道師重陽真君於至元壬午應詔來燕元太祖問

薊州志

卷之九

仙釋

美

爲治之方則以敬天愛民爲本問長生久視之道
則以清心寡欲爲要丙戌春其徒請至盤山建醮
其明年留頌而逝

王志謹從長春真人北遊燕薊徜徉乎盤山西甘澗之石
龕艸衣木食若將終身焉

姬翼字輔之高平人遇栖霞王真人執弟子禮賜名志真
號知常子白是從遊盤山所著詩文曰雲山集及
周易直解道德經總章見乎世

明

虎皮仙狀貌豐偉顏色溫潤不知其何處人來薊披一虎皮冬月繫冰而浴屠沽市餅之家爭以物飲啗之是日獲利必倍郡人步允遷童時虎皮仙摩其頂曰爾做我弟子勝於中進士允遷後果登第

國朝

崔應魁永平人居柳河屯少游心於醫人有疾醫藥不論值皆盡心焉晚歲學道法名德茂來往盤山者十八年康熙戊辰秋示微疾徧告所親期日訣別書偈而逝

薊州志

卷之九

仙釋

七

智樸號拙菴張姓江南徐州人母王氏得異夢而生自幼穎異年十五歲爲僧深得禪機三十五歲至盤山結廬於青溝其地間多虎豹樵夫不敢入自智樸開山結茅之後惡獸潛踪人咸異之名遂大振盤山向無志乘智樸編輯成書咸稱爲釋氏董孤又善詩

聖祖仁皇帝巡幸盤山曾令唱酬焉

按盤山爲冀北名勝羽客應真每每晦跡今考新志所載仙釋不少今就事跡之最著者書之

流寓

漢

田疇字子泰無終人董卓遷漢帝於長安時幽州牧劉
 虞聞疇奇士署為從事遣問行在疇循間道至長
 安致命詔拜騎都尉疇以天子蒙塵不可荷佩榮
 寵辭不得報還虞已為公孫瓚所戕疇謁虞墓哭
 泣返命瓚怒收疇疇不為屈瓚壯之疇得北歸卒
 家人隱徐無山中

薛嵩生於燕薊間氣豪邁不事產業以膂力騎射自恃

薊州志

卷之九

流寓

夫

後守相州會僕固懷恩破史朝義長驅河洛見嵩
 器之奏為相衛洛邢等州節度使頗有治績後封
 高平郡王號其軍曰昭義遷檢校尚書右僕射卒
 贈太保

國朝

李錯字鍊君號眉山奉天鐵嶺人明竇遠伯成梁兄子
 如梓之曾孫也以有功當襲職病不就好佳山水
 卜築蘿村課耕穫以食地居為峯之陰故又號廬
 青山人云山人通敏工詩古文詞尤殫精於經史

著述甚富年七十卒生前自築壙於山居之旁

永 甯姓石氏號東村長白山人家素貴顯世饒於財少

豪舉好聲色狗馬年三十始折節讀書奉母甚孝

後移居盤山作山居詩以見志與李錯爲世外交

一廬山南一耕山北藤杖屨相相遇窮厓陡壑間

無間風雨桐城方苞爲作二山人傳載其跡甚詳

而其子姪同舉甲科仍克衍令緒云

戴夢熊字汝兆浙江浦江人例監仕至湖廣漢陽府知府

母朱氏青年苦節夢熊能以孝奉養子戴文武候

薊州志

卷之九

堯

選通判墓葬於薊州

謝錫袞字君章浙江會稽人例監仕至江西贛州府知府

母吳氏早寡家貧撫錫袞成立墓葬於薊州

楊逢泰鑲黃旂舉人任福建尤溪縣知縣

楊時春大興縣人任江西永鎮營都司

楊繼文大興縣人任江南清河營守備

按 人非生於薊州而來寓於薊州者謂之流寓然必其

有經綸才智足爲山川生色如田盤諸人方備採列非

然者則寧缺無溢焉故採擇恒少